

veston ; ~i ordenon sur la brusto. 2 Momente aŭ daŭre kunigi du objektojn, enigante starantan parton de unu en la alian : la dornoj ~as la pasantojn ; ~i vagonon kun lokomotivo ; (f) : ~i sian rigardon sur iun Z ; ŝi ~is sian rigardon en tiun de sia amato (Kp KRAMPI, LIGI, FIKSI, GLUTI). ~iĝi. Sin ~i al, sin alligi al : la infanoj ~iĝis al la basko de la patrino ; ŝi ~etiĝis je mia vesto Z ; ~iĝi per siaj manoj Z ; (f) : malgranda vilaĝo ~iĝis al la deklivo de l' monto B ; li ankoraŭ pli ~iĝis al tiu virino B ; ~iĝi al io (persisti aŭ obstini pri io) ; ~iĝi al malnova kutimo. ~ilo. Hoko por pendigi objektojn : vest~ilo. Kp KRAMPO. Al~i (tr). 1 Pendigi ion de ~ilo. 2 (f) Kunligi, alligi al : ŝi sin al~is al lia mantelo Z ; Dio al~os al vi la peston Z ; pro diversaj kaŭzoj, mi devis al~i tiujn finigojn ne disigeble al la radiko Z ; ĉiuj okuloj sin al~is al li ; ili al~as al si simpation. Al~iĝi. 1 Alteniĝi : hedero al~iĝas al muroj. 2 (f) Alligiĝi al : al~iĝi al la paŝoj de iu Z (neniel forlasi iun) ; ĉiuj tiaj pensoj al~iĝis ĉirkaŭ rememoroj pri ŝi. De~i, mal~i (tr). Tiri iun aŭ ion for de io : mal~i veston de la ~ilo ; (f) ŝtonego de~iĝis de la monto Z ; (f) timulinetoj ĵus de~itaj de la patrino ĵupo Z (tute senspertaj).

kroketo (Sp). Ludo konsistanta el rulado de lignaj kugloj per frapilo sub el drato aŭ ligno faritajn arkojn k laŭ specialaj reguloj.

* **Krokodilo**. Granda kvarpieda danĝera rampulo, vivanta en grandaj riveroj de Hindujo k Afriko : ~a ledo (*crocodylus*).

krokuso ☼. G. de iridacoj, kies unu speco estas safrano (*crocus*).

* **Krom**. 1° Prepozicio signifanta « apartigante », nome : 1 Esceptinte, ne enalkulante : la esp-aj vortoj, ~ kelkaj tre malmultaj, ne estas arbitre elpensitaj ; la pioniroj de novaj ideoj renkontas nenion ~ mokoĝ k atakoj Z ; vi nenion povas fari ~ kunbati viajn dentojn Z ; mi diras al vi nenion alian ~ plej pura vero Z (ol plej puran veron) ; kiel internacia ne povas esti elektita ia alia lingvo ~ arta ; la garnizono ne konas ian glavon la kuirejan trapikilon ; ĉu ne ekzistas alia bono por la homo ~ manĝi k trinki Z ? mi nenion pli postulus, ~ ke oni montru al mi sindon-

econ k estimon Z ; ~ tio, ke... Kp OL, EKSTER. RIM. : En tiu senco **krom** devas esti ĉiam akompanata de nea vorto. Se tio ne eblas, uzu **escepte**, **ekskluzive**. (Vd ALIA). 2 Enalkulante (ne sole, ne nur) : ~ Petro, tie estis ankaŭ ĉiuj miaj fratoj Z ; per prunteĉono ofte oni perdas, ~ sia havo, ankaŭ la amikon Z ; ~ la praktika flanko la esp-ismo havas ankaŭ alian flankon idean Z. RIM. : En tiu senco la uzo de **ankaŭ** apud **krom** estas konsilinda por eviti dubon.

II° Vortero kun la senco 2. ~a. Plia : 30 ~aj ŝtatoj sankciis la kontrakton. ~e. Adverbo signifanta « krom tio » : la pli juna filino, kiu estis tre bona k honesta, havis ~e unu el la plej belaj vizaĝoj, kiujn oni povas trovi Z.

III° Prefikso samsignifa. ~folio. Folio aldonita al registrolibro. ~persono. Persono ne rekte interesita al la afero. ~seĝo. Seĝo aldonita al la regula, kutima nombro, en teatro, aŭlo kc. ~virino. Neleĝa kunvivantino, kiun havas viro, krom sia leĝa edzino (Kp KONKUBINO).

kromo Z ☿. Ĥemia elemento, grizeta, malmola metalo, kies kombino kun aliaj metaloj estas rimarkindaj pro bela koloro k multe uzataj en la industrio.

kromata. 1 ☐ Rilanta al la koloroj de la spektro : ~a aberacio. 2 ☒ Konsistanta el notoj kun intervalo de duontono : ~a gamo povas esti kun diesoj suprenirante aŭ kun bemoloj malsuprenirante. Vd DIATONA.

kromofotografio 📷. Fotografio en naturaj koloroj.

kromolitografio (Ti). Procedo, per kiu oni presas, helpe de la litografio, desegnojn en pluraj koloroj.

* **Krono**. 1 Kunplektaĵo el floroj k folioj, kiun oni metas ĉirkaŭ la kapon por ornamo : ~o el oranĝaj floroj ; (f) : ~o da epizodoj Z (en romano) ; meti la ~on sur (suksese tutfini) sian laboron. Kp GIRLANDO. 2 Ĉe la antikvuloj, sama kunplektaĵo, kiun oni surkapigis kiel militan aŭ civilan honorigilon. 3 (f) Rekompenco, meritisigno : ~o de gloro estas la grizeco Z (de maljunuloj) ; brava virino estas ~o por sia edzo Z. 4 Metala rondo ornamita per floroj, perloj ktp, kiun oni surkapigas kiel signon de suvereneco aŭ nobel-eco : imperia, reĝa, grafa, markeza ~o ;